

**BOSNA I HERCEGOVINA  
FEDERACIJA BOSNE I HERCEGOVINE  
BOSANSKO - PODRINJSKI KANTON GORAŽDE  
OPĆINSKI SUD U GORAŽDU**

Broj: 45 0 St 046845 23 St  
Goražde, 29.04.2024. godine

OPĆINSKI SUD U GORAŽDU, stečajni sudija Radmila Đajić, u stečajnom postupku nad imovinom stečajnog dužnika Živojević - Bus Društvo sa ograničenom odgovornošću za prevoz putnika Goražde, sa sjedištem na adresi Rifeta Vesnića broj 12, Goražde, matični broj subjekta upisa MBS: 45-01-0002-12, JIB: 4245068270003, nakon održanog ispitnog i izvještajnog ročišta dana 24.04.2024. godine, kome je prisustvovao stečajni upravnik Novo Kosorić, van ročišta, dana 29.04.2024. godine donio je sljedeće:

**R J E Š E N J E**

Zaključuje se stečajni postupak nad imovinom stečajnog dužnika Živojević - Bus Društvo sa ograničenom odgovornošću za prevoz putnika Goražde, sa sjedištem na adresi Rifeta Vesnića broj 12, Goražde, matični broj subjekta upisa MBS: 45-01-0002-12, JIB: 4245068270003, zbog nedostatka stečajne mase.

Nakon pravosnažnosti ovog rješenja navedeno privredno društvo brisat će se iz Registra društava kod Općinskog suda u Goraždu (MBS broj: 45-01-0002-12) i svih javnih registara.

Pravne posljedice zaključenja stečajnog postupka nastupaju u roku od osam dana od dana objavljivanja rješenja u "Službenim novinama Federacije BiH".

Rješenje o zaključenju stečajnog postupka zbog nedostatka stečajne mase objavit će se na oglasnoj tabli suda, web stranici suda-elektronskoj tabli suda, na internet stranici FIA-e, a u "Službenim novinama Federacije BiH" objavit će se samo izreka rješenja.

Kopija rješenja dostavit će se Kantonalnom tužilaštvu BPK Goražde, Poreznoj upravi Federacije BiH i Upravi za indirektno oporezivanje BiH.

**O b r a z l o ž e n j e**

Direktor predlagača - stečajnog dužnika Živojević-Bus Društvo sa ograničenom odgovornošću za prevoz putnika Goražde, po punomoćniku advokatu Muminović Esadu dana 25.12.2023. godine, podnio je prijedlog za otvaranje stečajnog postupka nad društvom Živojević - Bus Društvo sa ograničenom odgovornošću za prevoz putnika Goražde u skladu sa odredbama člana 58. st. 2. Zakona o stečajnom postupku. Uz prijedlog je dostavljena Odluka o prestanku rada društva, broj: 01/23 od 21.12.2023.godine, pa je u obrazloženju navedeno da poslovni subjekt Živojević - Bus Društvo sa ograničenom odgovornošću za prevoz putnika Goražde, posluje sa gubitkom, nije u mogućnosti izvršavati svoje finansijske obaveze, odnosno platežno je nesposoban.

Rješenjem ovog suda broj: 45 0 St 046845 23 St od 07.02.2024.godine otvoren je stečajni postupak nad imovinom stečajnog dužnika Živojević-Bus Društvo sa ograničenom odgovornošću za prevoz putnika Goražde.

U svom izvještaju od 23.04.2024.godine stečajni upravnik Kosorić Novo naveo je, da pravni subjekat nad kojim je pokrenut stečajni postupak upisan je u sudski registar u Općinskom sudu u Goraždu pod brojem 45-01-0002-12, pod nazivom „Živojević-Bus” društvo sa ograničenom odgovornošću za prevoz putnika Goražde. Sjedište firme je u ul. Rifeta Vesnića broj 12, Goražde. Osnivač društva je Živojević Emira sa ugovorenim i uplaćenim kapitalnom u iznosu od 2.000,00 KM. Lice ovlašteno za zastupanje je Živojević Elvir, direktor bez ograničenja ovlaštenja u unutrašnjem i vanjskom trgovinskom prometu. Pravni subjekat je registrovan kao porezni obveznik pod identifikacionim broj 4245068270003. Analizirajući porezni bilans za period od 01.01.-31.12.2022. godine utvrđeno je, da je preduzeće poslovalo sa gubitkom od 131.969,00 KM, a da je prethodne godine gubitak iznosio 19.907,00 KM, što ukazuje na činjenicu da je gubitak u odnosu na prethodnu godinu mnogo veći i da društvo posluje iz godine u godinu sve lošije, što je prouzrokovalo donošenje odluke o prestanku rada i pokretanja stečajnog postupka.

Nadalje, stečajni upravnik, s obzirom na utvrđenje da ne postoje izgledi da se poslovanje stečajnog dužnika nastavi u potpunosti niti djelimično, jer stečajni dužnik je ostvario gubitak u iznosu od 131.969,00 KM, a sve zbog pada broja putnika i umanjenja zarade na prevozu, a posebno činjenice da pravni subjekat Živojević-Bus” društvo sa ograničenom odgovornošću za prevoz putnika Goražde nije u mogućnosti da nastavi obavljanje djelatnosti, niti u mogućnosti reorganizacije, na osnovu svega navedenog izvodi zaključak da se ovaj stečajni postupak okonča i donese rješenje o zaključenju stečajnog postupka i da se stečajni dužnik izbriše iz sudskog registra, a da povjerioci ne mogu namiriti svoja prijavljena potraživanja zbog nedostatka stečajne mase.

Stečajni upravnik je na ročištu održanom dana 24.04.2024.godine ostao kod navoda iz izvještaja ističući da je utvrdio da stečajni dužnik nema imovine koja spada u stečajnu masu.

Stečajni povjerilac Porezna uprava Federacije BiH, Kantonalni porezni ured Goražde prihvatila je izvještaj stečajnog upravnika, i ista je saglasna da sud donese odluku u skladu sa prijedlogom stečajnog dužnika kojim će stečajni postupak zaključiti.

Imajući u vidu naprijed izneseno, odnosno da stečajni dužnik nema imovine koja bi činila stečajnu masu, da nije u stanju nastaviti poslovanje, da ne postoji mogućnost reorganizacije, ovaj sud zaključuje da je prijedlog za zaključenje stečajnog postupka osnovan, te je u skladu sa članom 190. i 204. Zakona o stečaju ("Službene novine Federacije BiH") donio rješenje kao u izreci.

**Stečajni sudija**

Radmila Đajić

**Pouka o pravnom lijeku:**

Protiv ovog rješenja stečajni povjerioci i stečajni dužnik imaju pravo žalbe u roku od 8 dana od dana objavljivanja u "Službenim novinam F BiH". Žalba se podnosi Kantonalnom sudu u Goraždu putem ovog suda.